

Visoki predstavnik pozdravlja potpisivanje Sporazuma o sukcesiji u Becu

Govoreći danas na ceremoniji potpisivanja Sporazuma o pitanjima sukcesije bivše Socijalističke Federativne Republike Jugoslavije (SFRJ), Visoki predstavnik Wolfgang Petritsch je pozdravio potpisivanje ovog dokumenta kao istorijski korak ka većoj regionalnoj saradnji. Sporazum koji su u prisustvu austrijskog ministra vanjskih poslova potpisali ministri vanjskih poslova Bosne i Hercegovine, Republike Hrvatske, Republike Slovenije i Savezne Republike Jugoslavije, kao i potpredsjednik bivše jugoslavenske republike Makedonije, regulise raspodjelu prava, obaveza, aktive i pasive SFRJ između gore navedenih država.

Visoki predstavnik je čestitao predstavnicima pet država i specijalnom pregovaraču Sir Arthur Wattsu na postizanju ovog sporazuma. Visoki predstavnik je posebno izrazio zahvalnost austrijskoj vladi na njenoj pomoći u posljednjem krugu pregovora.

Postizanje sporazuma o sukcesiji predstavlja jasan signal da jugoistočna Evropa ulazi u period regionalne saradnje, kao i period obnove i konsolidacije koja i dalje teče isuviše sporo. Sporazum predstavlja korak naprijed u ovom procesu obnove. Zavrsetak ovog bolnog poglavlak ovog bolnog poglavlja je omogućen međusobno korisnim ustupcima. U tom smislu razgovori o sukcesiji nude model za dalje pregovore o preostalim nerijšenim pitanjima u bivsoj Jugoslaviji i sira.

Visoki predstavnik je konstatovao da potpisivanjem sporazuma prestaje njegov mandat za sukcesiju SFRJ, koji je bio povjeren njegovom prethodniku Carlu Bildtu na Londonskoj konferenciji 1995. godine. Mandat je uspješno okončan jer su ugovorne

strane preuzele odgovornost i poduzele konstruktivne korake u korist svojih gradjana.